

“Službene novine Kantona Sarajevo”, 13/03

Na osnovu člana 55. Zakona o upravi u Federaciji Bosne i Hercegovine ("Službene novine Federacije BiH", br. 28/97 i 26/02) i člana 26. stav 1. Zakona o Vladi Kantona Sarajevo ("Službene novine Kantona Sarajevo", br. 7/96, 10/96, 20/98 i 4/01), Vlada Kantona Sarajevo, na 18. sjednici od 5. juna 2003. godine, donijela je

UREDBU

O OSNIVANJU SLUŽBE ZA PROTOKOL KANTONA SARAJEVO

Član 1.

Ovom uredbom osniva se Služba za protokol Kantona Sarajevo (u daljem tekstu: Protokol), utvrđuje njegov djelokrug, uređuje rukovođenje protokolom, kao i druga pitanja od značaja za organizovanje i funkcionisanje Protokola.

Član 2.

Protokol obavlja i organizuje obavljanje poslova protokola za potrebe Skupštine Kantona Sarajevo, predsjedavajućeg i zamjenike predsjedavajućeg Skupštine Kantona Sarajevo, Vladu Kantona Sarajevo, premijera i ministara, ministarstava Kantona Sarajevo i drugih kantonalnih organa uprave, kantonalnih upravnih ustanova i stručnih službi, kao i drugih organa i organizacija, na način i u skladu s odlukom o protokolarnim normama i protokolarnoj praksi, koju donosi Vlada Kantona Sarajevo.

Član 3.

Protokolom rukovodi šef Protokola, koji u pogledu rukovođenja Protokolom ima prava i dužnosti rukovodioca kantonalnog organa uprave.

Šefa Protokola postavlja i razrješava Vlada Kantona Sarajevo, na prijedlog premijera Kantona Sarajevo.

Mandat šefa Protokola traje koliko i mandat Vlade Kantona Sarajevo, a nakon isteka mandata može biti ponovo postavljen.

U slučaju spriječnosti ili odsutnosti šefa Protokola, u poslovima rukovođenja Protokolom zamjenjuje ga službenik kojeg on odredi.

Član 4.

Unutrašnja organizacija Protokola utvrđuje se pravilnikom o unutrašnjoj organizaciji.

Član 5.

Protokol ima svojstvo pravnog lica.

Sredstva za rad Protokola utvrđuju se u budžetu Kantona Sarajevo.

Član 6.

Pravilnik o unutrašnjoj organizaciji Protokola donijet će se u roku od 15 dana od dana postavljenja šefa Protokola.

Član 7.

Stupanjem na snagu ove uredbe prestaje da važi Odluka o osnivanju Kabineta predsjednika i potpredsjednika Kantona Sarajevo ("Službene novine Kantona Sarajevo", br. 1/99, 9/01 i 28/01).

Član 8.

Stručne i administrativno-tehničke poslove iz djelokruga ukinutog Kabineta predsjednika i potpredsjednika Kantona Sarajevo, koji se odnose na protokolarnе poslove, službenike i namještenike koji su obavljali te poslove, kao i dokumentaciju i arhivu koja se odnosi na te poslove, preuzima Protokol osnovan ovom uredbom.

Status službenika i namještenika koji su obavljali ostale poslove iz djelokruga ukinutog Kabineta predsjednika i potpredsjednika Kantona Sarajevo regulisat će se u skladu sa zakonom, a arhiva i dokumentacija koja se odnosi na te poslove, arhivirat će se u skladu s propisima o kancelarijskom poslovanju.

Član 9.

Odluku iz člana 2. ove uredbe, Vlada Kantona Sarajevo će donijeti u roku od 30 dana od dana stupanja na snagu ove uredbe.

Član 10.

Ova uredba stupa na snagu danom objavljivanja u "Službenim novinama Kantona Sarajevo".

“Službene novine Kantona Sarajevo”, broj 37/05

Na osnovu člana 54. stav 2. tačka 2. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj 35/05), članova 22. i 24. stav 1. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo donijela je, na 137. sjednici održanoj 9. decembra 2005. godine

UREDBU

O IZMJENI I DOPUNI UREDBE O OSNIVANJU SLU@BE ZA PROTOKOL KANTONA SARAJEVO

Član 1.

U Uredbi o osnivanju Slu@be za protokol Kantona Sarajevo ("Slu@bene novine Kantona Sarajevo", broj 13/03), član 3. mijenja se i glasi:

"Član 3.

Protokolom rukovodi šef Protokola kojeg imenuje Vlada Kantona Sarajevo u skladu sa zakonom koji se odnosi na imenovanje državnih službenika.

Šef Protokola ima poziciju rukovodioca uprave i ustanove koja se nalazi u sastavu ministarstva.

U slučaju spriječenosti ili odsutnosti šefa Protokola, u poslovima rukovođenja Protokolom zamjenjuje ga državni službenik kojeg on odredi."

Član 2.

Nazivi radnih mjesta državnih službenika navedeni u ovoj uredbi odnose se na oba spola.

Član 3.

Ova Uredba stupa na snagu osmog dana od dana objavljivanja u "Slu@benim novinama Kantona Sarajevo".
